

嘉  
筆  
禾  
徵  
獻  
錄

嘉禾徵獻錄卷三十六 府

郡人盛楓丹山輯

男支焯校訂

施德子惠

周澤

姚楫

曹文鐸

葛麟

毛鳳岐

儲元父盛來  
弟儲英

夏久安

陸鰲來

廷誥祖百

劉允繩遠祖成祖鐘  
父振宗

用章父琛

施時堯

謝子貞

錫教

丁仕明

張本嘉

汝開

沈國

潘鵬

李芳

莊安甫

曾祖敏祖珍 父文峻  
弟先甫子芳林孫國英

有威

曾祖緯  
子冕兒子洪圖

有翼

有規

兄有儀子重

張巽

俞岳

高應烓

竇卿

文照

陳良

支茂

立

子高高子祿

大綸 繡嬰 子如玉 如增

費 洵

彥芳

朱 憫

薛振猷

顏大化

子學易

俊彥

統

子鼎爻

柯元芳

祖德仁 伯成 林  
子舜

曹

廣

祖弘 淮

葉長青

子封

施德字克明秀水人成化辛卯舉人性剛直居鄉即以鋤強扶弱為任弘治中知濮州興學勸農洗冤滯賑貧乏士民述其善政二十條梓行之遷岳州府同

知引疾歸

兩浙名賢錄有傳

子惠德府典膳

明詩綜有馮伯初字正始嘉興

人洪武初

官府同知

失其入任始末

錄崔貞姑廟七

律一首詩話廟在練浦塘一螺清東南土人以貞姑

為土穀祠春秋

社祭府志失載

周澤字天雨本海鹽人姓俞父贅嘉善周氏因冒其

姓為嘉善人工詩文成化癸卯鄉試第一弘治庚戌

登進士任襄陽府推官

陳龍百可漫志嘉善周天雨澤先君所取解元也以進士

為襄陽推官為予題扇面云天機草草仙家畫樹底

雍雍見兩公應約明年杏花兩曲江連轡立東風且

語予曰立之一字比唐人

一陞福州府同知調贛州

卒兩浙名賢錄有傳

姚楫字文濟平湖人嘉靖丁酉舉人就選吏部試其  
文擢第一授常德府同知三殿工興奉檄採辦大木  
四載報完會他郡未完復以委楫入山勞悴邁疾卒  
曹文鐸平湖人嘉靖庚子應天舉人知東平州終肇  
慶府同知見聞雜紀曹君隆慶間守東平言談爽朗  
性行軒豁為州守當道薦之者少行獎者  
多公作文宰一天祭城隍神數當道請公不法文未  
有有如此狗之句頗聞於上莫之奈何卒轉肇慶二  
守行一日被臺離地方公送之道左問曰老大人此  
行薦知州否答曰本院已行獎公曰沒天理此公峭  
直迂狂想應  
不同凡瑣也

葛麟字後川秀水人嘉靖庚子舉人知含山縣創修

磚城經畫有方工成而民不擾遷知郴州終吉安府

同知含山志  
有傳

毛鳳岐其先海鹽人坐累謫常德衛再傳生鳳岐以  
衛籍中正德丙子湖廣舉人知定遠調簡贛縣

儲元字伯善父鳳來鳳岐弟也嘉靖改元壬午湖  
廣舉人乞恩綿州學正儲元嘉靖乙卯舉人知石泉  
縣調延川遷揚州府同知乞休肆力羣籍為武陵文  
學之宗弟儲英萬曆中恩貢寶慶府教授

夏久安字靖原秀水人隆慶庚午舉人署宣平寧國

兩縣教諭陞臨江府通判轉知師宗州州故巖僻民不聊生久安曲為撫字遷興化府同知貧不能之官

上官助其行至興廉謹益甚久之加知府服俸致仕

卒年七十有八

縣志稱知興化府二載與家傳不合

午舉人知安溪縣查郡志無其名見之錢唐志中且

作癸酉舉人穎上令穎志亦載之又見濟南府志福

建志  
陸鰲來字巨元海鹽人萬曆癸酉舉人泉州府通判

遷思恩府同知從子廷誥

廷誥字慎言祖陌鄉貢臨安訓導終益王府教授



廷誥萬曆壬午舉人知英德縣以政最例得考選忽

奉常調知和州

州志稱其外方嚴而內和厚民間疾苦無不洞悉

卒於官

劉允繩字德祖號漢中遠祖成洪武間嘉興所百戶

祖鐘以軍舍為諸生試輒上等

劉氏族譜嘉靖乙酉科巡按御史檇場收

考擢鐘冠十一府屬注意之將揭榜先列其名於草

榜中命搜鐘三場卷時嘉興郡守蕭世賢銜其不脩

贅囑搜卷官匿之而以他卷進云劉卷無可覓此一

卷良佳御史不得已填榜拆卷乃金縢也本府推官

南全稔其膺貢不仕隱居教授年八十二卒父振宗

諸生以孝聞母王氏年九十曲盡色養允繩萬曆甲

午舉人乞恩長樂教諭轉曹州學正再補禹州學正

禹州志稱其下車試士取董學益為首命諸生立攀龍凌霄等社閱文詳加評薦董以是科發解陳篤睦魁於房李從繩邢長文中式皆會中士人稱異焉累官廉州府同知

用章字蛟石父琛字杏南鏜之兄弘治間鄉貢興山知縣用章為諸生有恩於同邑吳鵬後鵬為吏部尚書用章以鄉貢入京授肇慶府通判亦賴其力云施時堯字念同平湖人萬曆丁酉舉人就太倉州學正陞儀真知縣儀真多私販時堯至鋤其魁奸徒屏迹陞武昌府同知慨然曰武昌臨漢口盜賊充斥奸吏相仍積賄養害官為盜首吾何忍哉辭不赴

謝子貞字吉甫海鹽人少充邑掾考滿授嘉定縣丞  
邑有馬某者家六人盡被殺令捕其讎家周某抵罪  
已誣服矣子貞察其寃謂令曰安知非讎於馬亦讎  
於周乃殺馬誣周以快宿憤者令屬子貞窮治果得  
沈某有血衣為左驗具首服自是上官有疑獄悉屬  
之遷上元縣丞再貴遷州都司斷事子錫教

錫教字洪伯萬歷丁酉順天中式乞恩太和教諭  
歷國子助教知德州蠲耗羨申寃獄於豪猾無所貸  
白蓮賊盛郡縣皆震動密布偵候鎮靜如平時兵燹

既定掩暴骸無算量移長沙府同知歸

丁仕明字建白秀水人萬曆庚子舉人乞恩蘭谿教諭再補無錫遷知英德縣先是英德學宮遷於大慶山之舊址文運否塞仕明改卜於會英書院規模宏敞未幾圯於水復完之前後捐俸數百緡科名頓起

見廣東通志

終蘇州府同知

張本嘉字孟端其先嘉興人徙華亭萬曆甲午應天舉人乙未進士授宜春知縣子汝開

汝開字伯元萬曆己酉應天舉人南國子學錄遷

懷慶府同知流寇充斥凡所備禦武陟修武溫縣俱著勞績

沈國字九如崇德人寄籍仁和萬曆乙卯舉人乞恩湯溪教諭遷知寧鄉縣丁憂起補榮昌蜀寇充斥屢經兵燹開濠繕城不憚勞悴上官薦之就遷重慶府同知獻賊攻破旁縣檄監軍務京師陷挂冠歸

潘鵬字惟遠平湖人正德丁卯舉人授肇慶府通判有清操不滿者自劾歸學者稱東淵先生年八十餘卒

祐山雜說辛卯歲余將赴省試吾邑潘東淵鵬以肇慶通判家居夢人持黃紙一幅上書彩鳳入雲

宵至長安門為余報捷東淵因賦詩云喜看彩鳳入  
雲霄萬里風輕兩翮飄德抱九苞歌昔日文披五色  
瑞今朝棘闈共賀登賢後楓陸爭誇奪錦標未二句  
未得夢中作吟哦聲其室人喚醒索筆書之沉思續  
成前韻復寐得句老我江湖忘想念夢驚佳兆坐  
中宵翌日為我言之是年余領鄉薦明年舉進士○  
同時邑有李萼字剛甫亦義不苟取謂聖人可學而  
至嘗作克念圖說司業沈懋孝為作兩介士傳

莊安甫字子靜號仁山桐鄉人曾祖敏景泰甲戌出  
粟賑飢被旌祖珍宣德中鄉貢官尤溪主簿父文綬  
字錫之弘治中鄉貢官澧州同知安甫正德己卯恩  
貢第一授黃州府通判弟光甫子芳林字時遠嘉靖

辛酉恩貢授興安州同知歲饑力請上官發粟以賑并捐俸濟之邑人朱某為尉於其屬無辜陷獄芳林雪其誣孫國英字仲延天啟丁卯舉人

有威字允濟曾祖緯文綬兄也有威國子生萬厯中授南城兵馬司副指揮陞楚府審理正子冕字公觀崇禎戊辰恩貢亦授興安州同知以禦流賊積勞歿官子洪圖字克襄崇禎壬午副榜威弟有翼有規有翼字慎予國子生授祁門縣丞署邑事邑每子歲輸銀四錢有奇有翼值編審豁赤貧之丁均之有

產之戶舉邑歡舞釋疑獄四人於久滯一遺孤有木  
山值千金其叔祖欲奪之以重賂啖有翼不許卒還  
山於孤終楚府審理副

有規字允方嘉靖中倭寇桐邑令金燕檄富民築  
城有規捐資以倡以例補禮部司務兄有儀子重崇  
禎中武進縣丞挂冠後講學硤石鎮

張翼字進南號伯言海鹽人諸生客授為活年四十  
餘歲暮挾館穀歸宿於塗夜半聞哭聲哀不能寐叩  
門問故則貸於富家無以償將鬻其妻詢所負符館



穀之數慰之曰姑安寢詰旦為汝圖之質明富人來  
如券與之夫婦得完異歸夜夢人謂之曰子合不偶  
然能為人所難今歲應舉當得解作六品官異詣省  
錄遺被黜求他司轉送入試是夕又夢前人謂之曰  
子雖得雋然場中慎勿作一字覺而大驚尋自念本  
無佳構姑曳白以驗之遂投空卷出適收卷官自負  
異才誇於同列曰試投吾文必得解但恨無卷耳無  
何巽卷入無一字立為文書其上巽數往來窺所揭  
違式榜無己名更入曳白如前榜發竟第一時嘉靖

戊午也既徧謁諸在闈官遇為文者問吳曰生何入  
試而不書一字吳以夢告則曰子豈有隱行乎因備  
述其故相與大笑自言吳文為其所作吳亦因無進  
取意求選得南國子助教遷安慶府通判數年引退  
人以其事與徐翁類故不傳

俞岳崇德人國子生嘉靖間任雷白知縣陞順德府  
通判雷白志岳善於撫字民至庭必諭以禮義曉以  
任後莫福人多省改有罰贖不能具者類多宥免去  
不思之

高應焯嘉興人為諸生試輒冠軍隆慶庚午舉本省

鄉試華亭馮時可秀水項承芳皆出其門乞恩湖州

府教授遷南國子學錄出為常德府通判不赴歸

實卿字良佐秀水人以貧為德藩典寶父嘗病足癱  
卿親為浣舐又不欲枯坐乃時時背負行室中母患  
脾疾走叢祠密禱乞減己年以益親算父母皆享年  
九十餘卿亦上壽又倡義修築邑城嘉靖中詔旌其  
閭子文照

文照字子明萬曆初入貲授光祿典簿終惠州府  
通判年凶捐穀賑飢并買棺以給貧者被旌著實子

紀聞類編

陳良字明遇秀水人成化辛卯舉人辛丑進士授徽  
州府推官操履廉潔讞獄公平在任五年始終一致  
卒於官

支茂字宗衍嘉興人為縣主獄吏年五十無子有唐  
姓無辜陷重辟茂為之求生囚知之恐其意不堅囑  
妻以身事之其妻泣而聽命翌日延茂至家告以夫  
意茂不聽卒為盡力脫其死出獄踵門謝曰公盛德  
而無子有女請為箕帚妾願無堅拒茂乃備禮納之

生子立茂永樂丁亥為江西軍需庫大使遷樂安縣丞奉差歿慶遠道中

立字中夫號蘧菴父歿年十三弱冠舉正統甲子

鄉試第四名授池州府學訓導

池州志稱其勤於課士

丁母憂

補常州府充順天鄉試同考大璫汪直掌西廠塗次

投千金欲薦其姪立却之入圍檢其卷抹去直怒匿

所善倪司勳家踰月一夕漏下四鼓聞叩門聲甚急

倪曰必汪有偽旨來索也立曰無怖死生命身啟扃

則呂學士原僕也是夕汪已就逮矣故來報自是得

名遷翰林院孔目與羅倫姚綬相約為詩文務期有

闕世教尤深於經學人號支五經

支華平集立與張寧姚綬伍方俞誥

稱樵李五才子

乞歸製一舟甚精麗名醉月蓬貯圖史其中

每佳辰召客泛艇或數日不返又善醫有貴室女徧

體肌膚潰盡如削各醫環顧不知所出立往視笑曰

公等自不識此傷寒不汗症也今謹閉門用大桶盛

藥水炆出微汗三日皮復生瑩然如雪諸醫徧考羣

書不知所出以為神年七十一卒

兩浙名賢錄有傳

有七子

高知名高字景瞻號菊岩世其家學屠應埴兄弟及

范言皆出其門正德中以貢授南豐訓導遷興教濟  
諭卒年七十八子祿字子賢善禔中寧國府訓導

大綸字心易號華平祿子也嘉靖甲子舉人萬厯  
甲戌進士乞恩南昌府教授巡撫楊成薦其才遷泉  
州府推官論降補江西布政司都事量移奉新知縣  
在事九月復論罷著永昭二陵編年史六卷四餘集  
六卷全集四十卷子如玉如璫如玉字寧瑕萬厯庚  
子舉人官刑部主事終養歸不出著半衲菴稿如璫  
字小白母張大綸晚歲所娶繼室也璫八歲而大綸

歿張年二十四苦志撫之如璫少與李維楨陳繼儒  
鄒之麟為文字交晚奉母隱居母壽七十八無疾而  
歿如璫白頭色養者二十年

費洵崇德人萬曆改元癸酉舉人岳州府推官

彥芳字爾英號華陽洵兄子也萬曆癸卯舉人知  
上高縣謫本省按察司經歷遷知隆德縣崇禎癸酉  
八月流賊入平涼界破靜寧州來攻隆德直薄土城  
防守把總王珍遁走彥芳登城捍禦流矢傷左鬢不  
為動城陷賊執彥芳求金掠其署無所得以其廉吏



縛而不殺先是彥芳乞救於分守固原叅政陸夢龍  
報書許以旦日赴援其書為賊得即分賊伏於六盤  
山夢龍至陷伏中全軍皆沒夢龍死之賊還隆德遂  
害彥芳事聞贈靜寧州知州後數十年吳孟舉  
之振捐資葬之

朱治憫字子服秀水人天啟辛酉舉人授肇慶府推  
官桂藩建號就遷知本府事以畿郡例改京尹尋進  
副都御史總督兩廣守肇慶與破卒治憫能詩集不  
傳靜志居詩話于暇宣勞戎務一星卒殞天南生為  
進表之劉琨死作思歸之温序其詩不沿時習磊  
落嶽竒至責宅一律云拮据經吾手書來已屬人一  
身猶長物四壁委微塵歌哭今無地琴尊別有隣庭

梅應為我望絕嶺南春悽惻  
纏綿蕞蕤之草心實傷已

薛振猷字爾嘉號黼臣平湖人萬曆戊午舉人天啟  
乙丑進士授撫州府推官丁卯充本省同考庚午復  
充廣東同考聞父喪歸以毀卒振猷善賞鑒在撫州  
及署旁郡縣所拔士中式者二十七人

顏大化字襟川其先曲阜人遠祖岐字夷仲宋資政  
殿學士南渡寓居崇德之白馬里後隸桐鄉大化嘉  
靖乙卯應天舉人黃岡知縣子學易光祿署丞

俊彥字開眉學易子也天啟丁卯順天舉人崇禎

戊辰進士授廣州府推官會海盜鄭芝龍出沒諸島

總督熊文燦主撫朝議令擇所屬吏往諭文燦檄俊

彥往既至芝龍所海艘數千陳兵衛光耀白日盛氣

迎入少頃布席出諸姬行酒俊彥故不飲竟斬姬不

為動談往鄭芝龍號飛黃漳州人父兄皆府掾飛黃

海船知其父恨篤急未可歸乃懇巨商攜往海外飛

黃狡媚嫵順音律樗蒲靡不精好同抵日本日就島

主宴飲歌舞時主室有文君悅之即國姓成日日本至

也再一年前艦復至乃附歸所娶所生姑留日本至

中途為海盜劫奪飛黃隻身隨艦貨作千金分與主

寨之首領顏振泉海有十寨寨各為主飛黃之主又

主中主也居半年主有疾且死九主為之療祭飛黃

乃泣求其主曰明日祭後必會飲欲代懇衆力放我

一洋獲之有無多寡係我之命主如言衆情允諾劫  
得四和貨物皆自暹羅來每艘分其半九主重信義  
盡界之富逾十主矣海中以富為尊主殂飛黃陞為  
十寨之一乃通家耗輦金還家置蘇杭兩京細軟寶  
玩興販琉球外國等物沿海州縣搶掠一空時崇禎  
六七年間事兩廣總制熊文燾會同閩粵兩撫勦除  
遣巡守兩海道洪雲蒸康承祖參將夏之木張一傑  
駐潮州海角之道山與土漢軍勇入海會擒不三傑  
兩道兩將為飛黃取上海寨一督兩撫乃會疏乞撫  
飛黃亦日醉道將於洪波巨浸中康以老疾卒於海  
朝議添設漳州參將以招之飛黃挾三道將登崖就  
職一督兩撫敘功加銜飛黃乃腰金黃蓋特恩給劄  
品符司道出自欽授父兄增貴戚里為榮漳潮泉汀  
有司村鎮向驚不測之擾今乃荷賴無恙其在海九  
寨首傑為劉香仍為邊患飛黃知其技力窘乏視風  
色之東西潮頭之上下追擊幾無泊處香甚恨焉訪  
飛黃在漳鎮選心膂直搗其室或殺或擒期於了局  
飛黃特就假歡曰我自就撫上岸為貪官污吏求

縛無奈正欲仍來入夥今衆義來邀喜不可說即遣  
眷口登所來之舡鍋鐵器械海中所需何必欲取之市  
者無不席捲入舟詭稱室中酒肉甚多何不暢飲歌  
空而去遠治具取精腆豐美者飽客後則數奉高矣  
更為梳酒塊肉極量忘懷海中來黨至醉極頭額  
腰刀快斧掛壁劍地忽聞鳴鑼門皆反鍵銅頭鏢額  
從屋跳下斫殺支解無倖脫飛黃乃取回家口而脫  
來人衣甲令家人披挂駕飛黃往飛黃拱手應曰來  
下劉香遙望本舡大喜呼曰來矣飛黃拱手應曰來  
矣立躍上岸乘其不備舉刀奮所劉香既殺精勇之  
士隻影無歸餘皆跪降因席捲香資復來漳鎮其  
主皆為飛黃勁旅從此海島寧靖內客彞商皆用飛  
黃旗號無敵無虞再陞漳潮副總兵至崇禎末欲得  
全閩正鎮齋銀十萬貯京師大小司馬手長膽怯  
無敢啟齒弘光朝馬士英進之爵封靖海侯  
至福建隆武朝倚飛黃為姓疏陳有一子鄭森留  
在日成本隆武立為己子賜姓朱氏名庚午克本省同  
日成功不久閩破飛黃亦歸順赴京庚午克本省同

考被論革職南臺建補松江府推官遷營繕主事後  
彥在粵廣搜端石製硯百方歸悉勒銘嵌置於壁名  
曰硯室兵亂室毀硯亦不存歟蹟顏工部俊彥女芳  
在歸鸞溪周氏著偶葉  
草工部第五子祁之婦吳與  
芳在之妹宛在俱以能詩名

統字士鳳大化曾孫也年少雋拔不苟隨流俗以  
鄉試寓省城時周鍾已舉於鄉矣來錢唐諸文士慕  
之爭相過從挾統俱往未行鍾忽至統從門外窺之  
既去罵曰此君盜虛聲鮮廉恥他日當無所不為不  
見可也史惇慟餘雜記周介生鍾初選己未房稿題  
曰酒壇餘政是科介生季父爾調成進士爾

調故酒徒介生欲附以起名是以巧為此名也至壬戌華鋒出而其名大噪倪瀉寶黃石齋是科出韓若海曰纘之門介生間雜以己文駕名石齋當時有黃道周周盜黃之語然而扁舟造其廬縱談三晝夜則所見不逮所聞也至吳門每暴其短丁丑都門陳臥子艾千子相遇共論國朝文人第一陳曰無如王鳳洲艾議不合遂至攘臂聞者以為卧子為介生報怨介生既有時名東林亦推為聲氣十四五年間以處士而遙執朝權把持官府前此未之有也庚午癸酉為燕及曰廣蔣八公德璟先後典南司後來諸房非唯恨介生於時文序上極口吐罵主司後來諸房非唯慕其名抑且畏其口於是己卯魁南都癸未魁春榜而玉堂一席果入其手矣未幾闖賊破京城先帝殉社稷一時無恥之徒爭先朝見聞傳人中呼介生兄者乃偽丞相牛金星介生於設教中侯木菴格太史家相與者於是又儼然為牛相高第門生而薈進之表下江南之檄一借其手筆矣闖賊敗馬士

英等執大義以殺之是矣乃馬之殺之又不得從大  
義起見馬阮故魏黨積受抑於東林其後立福王乘  
時竊柄一以番局為事時左良玉欲清君側傳係東  
林袁繼成喉之馬阮聞而膽落以為苗劉再見也遽  
取介生於獄中而殺之天下之人雖不敢代介尋卒  
生置喙而未必不以其死於馬阮或有遺議者  
年三十六卒後數年而鍾敗且死如其言楊園備忘錄于二十  
後得交士鳳方知流俗之卑汚其不失足於張溥周  
鍾之門者皆其力也其言曰誤天下蒼生者必此人  
也君往見彼所著詩數十篇曰不除草子鼎受亦有  
予絕君交矣所著詩數十篇曰不除草子鼎受亦有  
才名鄉義考顏氏鼎受誦詩弋獲四卷存杜濬曰詞  
山為道士潔身而還誦詩弋獲四卷六藝  
辨一卷國風頌連珠一卷皆山中所撰也  
柯元芳字月傳號楚衡嘉善人祖德仁年九十二而



卒伯成林成都府經歷奢崇明之亂有防禦功卒於

官督臣朱燮元題贈本府同知元芳天啟辛酉舉人

崇禎丁丑進士授建寧府推官郡瀕海民俗獷悍元

芳嚴束吏胥不敢上下其手建寧府志稱九邑諸生

刻校士錄甌寧浦城二縣麻靛賊盤互剽掠募壯

勇設間諜擒其渠魁猶以寇未盡殄降俸一級復署

浦城勒兵掩捕柘浦賊獲七十餘人前議得白壬午

充本省同考行取未赴國破歸年六十二卒子聳字

素培號岸初崇禎己卯舉人順治己丑進士

通政司參議

曹廣字遠思號遙集祖弘淮本歙縣人萬歷初賈崇德家焉好為義舉城南三里有包角堰為一邑障去水者弘淮創龍吟寺於上歲饑設糜以賑死者給糶病者與藥歙人程道章令崇德以桑梓重之弘淮不與昵曰公官暫而我居為常不可以彼易此會有白糧僉解之役一一條其可否民翕然稱允晚入賢為鴻臚序班廣崇禎己卯舉人庚辰進士授汀州府推官黃道周作文治論以羨之壬午充本省同考調繁福州閩破歸年未三十乃規什一家益致饒

葉長青字錦林嘉興人崇禎末為黃州府經歷廉幹  
有聲署黃陂兵荒相繼一切告匱長青安上全下子  
遺賴之鼎革後僑居黃州黃陂志子封康熙己未  
薦舉宏博

嘉禾徵獻錄卷三十七

州

郡人盛楓丹山輯

男支焯校訂

仲端

子順

伍方

毛晟

陳濟

王經

楊府

曾孫兆梧梧孫燦

陸吉

時雍

張應宿

五世祖鑿

龍德

妻侯女適徐

吳邦俊

父槐

徐天麒

高祖志

馮元鑑

俞之泰

陳素

金堡

唐從悌

父昊母姚

孫敬叔

陸萬鍾

馬繼祖

子驥

王紀

仲端字惟正海鹽人今隸桐鄉永樂辛卯舉人入北  
雍積分授隨州知州恤困窮達幽枉民日以安逋寇  
丁朝龍聚眾流劫至是詣州待罪端別首從治之皆  
頓頽心服丁憂補廣德州致仕卒年七十七

兩浙名賢錄有

傳次子順汀州府學訓導

伍方字公矩號柳菴嘉興人世居新豐之芙蓉潭年  
十二即能詩知府黃懋奇之拔為諸生正統丁卯舉  
於鄉景泰甲戌成進士知武岡州剛果廉潔聽斷嚴  
明不為彊禦所撓州舊為苗賊殘破人民逃亡國賦  
無所出上官督徵急方疏請蠲貸竟得旨民始復業

寶慶府志  
載名宦

坐累謫戍後赦歸創西圃草堂閉門耕讀

以詩史自娛著柳菴集四卷

靖志居邱仲深同年成進

士三人莫逆時有唱酬之詩云邱仲深伍公矩元是  
長安看花侶又云江東雲渭北樹仲深不來公矩去  
望斷斜陽舊游處仲深亦有送公矩之柳州詩云平  
生故人伍公矩少年學文今學武興來拔劍為我舞

顧儂豈是噲等伍末云吳山高兮粵水長南歸若見  
張給事引孟燒燭歌我送行章可謂篤同譜之誼矣  
毛晟秀水人正統中鄉貢景泰中知濮州河決城圯  
白撫臣奏徙州治於王村集規畫建置費不及民秩  
滿去州民為樹碑祀於學宮

陳濟字廷楫秀水人成化丁酉舉人弘治中為應天

府學訓導遷鄭州學正州志稱其有博洽之學幹濟之才再補萬安

教諭談論經史冠絕一時見萬安志終蘄州知州

王經字伯常嘉興人嘉靖壬午舉人知漢州州當孔  
道冠蓋相屬舊飭廚傳候之三十里外經至罷不設

蜀以賦額不均有富輕貧重之患經建議均之州民  
貧勸植蠟樹以興利論調不赴年八十而卒

楊府字見山平湖人幼從姚江諸變學舉萬曆壬子  
鄉試初知滄州移寧州雪陳以朝於獄以朝登進士

師事焉里居助築縣城修學宮濬運塘頗著義聲曾

孫兆梧崇禎己卯舉人有師儉堂集兆梧孫燦康熙癸卯

舉人甲辰  
進士御史

陸吉字五雲桐鄉人萬曆壬午舉人乞恩昭陽教諭  
課士有程遷知興化縣補高密陞昌平知州以剛方



清約自持時守園內官殺人吉執訊撲殺之事聞下  
州獄久之得雪放歸子時雍吉曾孫費錫順治丙戌  
舉人辛丑進士平原知  
縣費鉉恩貢鹽山知縣費濂康  
熙丁卯舉人費熙武定知州

時雍字仲昭工詩好剛使氣崇禎癸酉貢入京師

順天府丞戴澳延之邸第會澳誤忝平遙知縣王凝

命嘉興府推官文德翼事連時雍長繫鎮撫獄卒於

獄中明史稿胡夢泰傳夢泰知奉化縣邑人戴澳官  
順天府丞怙勢不輸賦夢泰捕治其子其子急

走京師愬澳令劾去夢泰澳念州民不當劾長吏而  
知於其子姑出一疏言天下不治由守令貪汚以陰

詆夢泰及得旨令指實而夢泰無可劾乃以嘉興府

推官文德翼平遙知縣王凝命實之給事中沈迅為

兩人訴枉發澳隱著離騷新疏行於時  
情澳下詔獄除名

張應宿字經野號璇陽本華亭人五世祖瑩正統間  
進士官南兵部尚書諡莊懿應宿以平湖籍舉萬曆  
壬午浙江鄉試榜姓孫授欽州知州欽在嶺南荒徼  
交趾國王莫登庸叛服不常有扶祿富寧者握其國  
柄欽之江水直接交南揚帆瞬息而至應宿為城隍  
樓櫓之備甚嚴同知涂魏惡聞警報以應宿虛張賊  
勢妄覬冒功劾罷未踰年寇至州城失守巡按御史  
李應魁劾魏阻應宿之策以致僭事上怒致魏於理

應宿事得白卒未起用著守欽蠡見子龍德

龍德

一作懷德

字鯤化號萬里天啟辛酉副榜授和州

同知改漂陽丞轉湖廣都司經歷罷歸乙酉城破與妻侯氏俱死女適同邑隨州知州徐世淳子肇樑亦自經死僕從死者數人

吳邦俊秀水人父槐母病革焚香籲天割右股肉為羹以進母延數日而卒邦俊萬曆乙酉舉人知翁源縣清詭寄革濫派所編賦役視前省十之三修邑誌多所發明凡有規畫皆裨風化遷知羅定州

廣東通志有傳

徐天麒字仁卿號春陽海鹽人高祖忠字文林成化中知平海縣天麒萬曆戊子舉人乞恩三河教諭重葺學宮又勤於課試是年諸生中式者四人前此未之有也入為國子學正出知邳州民有生理其妻者天麒夜夢訴冤晨往其家一訊即承屍出猶含淚如夢中云

馮元鑑字鑒之嘉善人少有文名萬曆庚子舉人能詩尤精行草所題顏額擅絕一時乞恩合肥教諭遷知涪州不赴棧戶著書人罕識其面

俞之泰字坤名海鹽人萬曆壬子舉人知福寧州值

寇亂極意撫綏著海樹堂集

子雲來順治辛卯舉人庚戌進士兵馬司指揮

孫兆曾兆晟俱進士

陳素字太淳號涵白桐鄉人崇禎癸酉舉人甲戌進

士知開州愛民好士悉出至誠凡地方利害皆以去

就爭之遼陽馬豆舊屬東明供辦吏舞文移徵於開

素持不可卒如舊素去官乃檄徵焉在事三年民深

德之丁憂補秦州拔陸舜於童子試中

沈起學園集海陵州守陳

公素以州方苦旱申麥折之

請於曹撫史公可法指淮為誓史公從之於是江北諸郡俱從折收歡聲動

地壬午充應天同考闖賊陷廬州度不能支挂冠歸  
癸未補冀州國破不自稱天山道人卒於家

金堡字道隱號衛公本仁和人崇禎丙子舉人庚辰  
進士知臨清州連遭賊寇州民奔竄國賦無所出以  
誤漕解任國破奔閩謁唐藩言楚督何騰蛟可恃鄭  
芝龍不可恃急宜棄閩幸楚且中興之主須於馬上  
成功若干乘萬騎出警入蹕之儀盡可去王大喜拜  
兵科給事中固辭錢秉鐙所知錄堡以守制辭請救  
印駢絡江上義師至江東入方國  
安營魯藩諸臣指為奸細執之御史陳潛夫語國安  
曰堡與姚志卓起義公會許迎其家今胡乃爾國安

曰閩中二鄭必欲殺之因出示芝龍書且曰我縱之  
去必無入閩入閩我失信二鄭必追殺之潛夫以語  
堡堡曰我必入閩中道遇殺命也遂行次年至閩繳  
還敕印王欲奪情留守曾櫻密疏勸王聽堡以保全  
之丙戌八月辭王入粵桂藩授以原官在位侃侃負  
從延平出趨衡州

彊旨聲坐糾總兵陳邦傳廷杖論戍傳是時朝臣從  
李成棟至者曹暉耿獻忠等誇反正功氣凌朝士從  
廣西扈行者天麟及嚴起恒王化澄吳貞毓張孝起  
等白恃舊臣詆曹耿等營事異姓久之復分吳楚兩  
黨主吳者天麟孝起貞毓及堵胤錫王化澄萬皞程  
源郭之奇皆內結馬吉翔外結陳邦傳主楚者素彭  
年丁時魁蒙正蔡劉湘客金堡皆外結瞿式幫內結  
李元胤元胤者惠國公成棟子為錦衣指揮使進封  
南陽伯握大權彭年等欲倚以攻去吉翔邦傳壘疏  
陳八事劾慶國公邦傳十可斬文安侯吉翔司禮中  
官龐天壽大學士起恒化澄與焉所知錄堡至桂

林將有建白以示留守瞿式耜留守令至肇慶與劉  
湘客酌之疏參李成棟陳邦傳龐天壽馬吉翔湘客  
去李麗而用陳馬封上一時風采赫然補兵科給事  
中當成棟未反正時邦傳潛通降啟鄙之得疏大喜  
故與成棟子元正交容是時彭年掌都察院湘客以  
詹事兼副都時魁掌吏科正發戶科堡兵科五人主  
張國是不得志者目為五虎以元肩為黨魁吉翔陰  
驚被參畧不加意那傳憤甚請堡為監紀詎堡降賊  
受官逃回為奸細閣臣嚴起恒朱麟得邦傳疏笑  
曰道隱善罵人今亦被人罵倒遂擬票金堡辛苦何  
來朕所未悉所請監紀等入閣大諫其謂辛苦何來暗  
用杜予美語於是時魁等入閣大諫其謂辛苦何來暗  
監紀即令監紀是時魁等入閣大諫其謂辛苦何來暗  
與之耶遂相率趨殿陛下免冠若永忠請其首亦照  
舊供職天麟自陳引退已何吾驥與司禮監夏國祥  
交通為壘所糾不安其位去黃士俊為首輔同起恒  
每事持平又與天壽吉翔無忤時魁等目為奸黨封  
與時魁等復參堵肩錫喪師失地雲南孫可望乞封



王思借以駕馭李定國白文選堡引祖制無異姓封  
王例連上七疏久之亦以所給空頭敕印權詔先封可  
軍胡執恭詢知之密指也時魁頗招權正發聽其  
望秦王或云承吉辨密指也時魁頗招權正發聽其  
指使獨堡清直敢言然性豁刻筆鋒甚銳人頗憚之  
庚寅二月王至梧州南駐戶部尚書吳貞毓等十  
四人合疏參五虎把持朝政遂下錦衣張鳴鳳鞫  
彭年以反正功免議起恒跪沙濱申救不允先是  
呂爾與者吉翔門下士冒入臺班堡劾逐之爾與疏  
辨堡駁參云臣何人也爾與何人也無仁也語甚不  
昌宗之表志士爲快快顧且肆言在無忌也復揚言  
倫惡堡者以是構於兩宮是日程源在便該萬死聲  
曰金堡昌宗之寵方新仁傑之袍何在便該萬死聲  
達上媿毋舟中密旨必欲殺之留守式報疏辨五  
人罪且云即欲處分豈無時日而汲於倉皇移蹕  
之頃又當邦傳到梧時能無我雖不殺伯仁之疑久  
之上知堡無死法與時魁俱遠戍貞毓等意起恒必  
銜時魁堡不謂申教甚力化澄素與王坤馬吉翔比

黃綠入閣惟賄是求堡亦醜詆之忠貞營入覲時李  
赤心已死權歸高必正黨守素兩人距悟四十里貞  
毓等往迎必正天悅因言朝事壞於五虎為之主者  
嚴起恒公入見請除君側奸高領之起恒聞其謀註  
籍五人惴惴待命到梧高黨與戎政侍郎劉遠生同  
菴同鄉過同菴舟中飯湘客遠生弟客生也與袁彭  
年特邱強出與善談吐坐定不善予適至兩勳問詞  
臣遠入高明舉朝皆說此公不好雷德復參嚴公疏與  
同菴讀因言舉朝皆說此公不好雷德復參嚴公疏與  
公見過幾人高曰恐已見過一半子笑曰為要說他  
且說嚴公不見公若其等不要說他不好便不來見矣  
虎現在去歲此時五虎也嚴公無所不至嚴公反去  
殺他據公看來是好人不參嚴公好子專有人言是然  
如孔子就沒有人參了予曰孔子專有人言是然  
殺晏子參到楚國被西參歷舉以對高喜曰元來  
孔夫子也有參人參遂起對上言閣臣起恒虛公宜  
委任堡等處分過當化澄等大失望兩勳請手救召

起恒復對李元胤自肇慶同對慈寧垂簾上東向坐  
元胤奏事畢伏地請死曰金堡等非臣私人何為以  
處四臣故賜臣救書令安心辦事慈寧曰卿莫認金  
堡等是好人卿如此忠義却謗卿謀反元胤曰說臣  
謀反還是有人本還是面奏還是傳言上不答必正曰  
處堡等也是但有本處堡等之人看來不如堡等處堡等  
後也不見有勝於堡等之事復面質化澄狗私植黨  
化澄窘申訴不能成語對罷上忽問廷臣曰金堡畢  
竟上君子是金堡為君再問無對者次日秉鐙上言昨侍  
班次上問金堡為君再問無對者次日秉鐙上言昨侍  
有對者則良心難昧堡之不正為小人惡堡者皆在列而茂  
衛以全堡命得改清浪衛必正以百金為堡蒸資不  
受堡竟不死而邦傳已叛未幾桂林臨瞿公式耜張  
公同敬同日死遠生湘客隱搖峒中堡先期投茅  
坪菴為僧惟時恩降予初擬道隱必死已而別山死  
道隱僧頗訝之已見其上定南王孔有德書請收留  
守及張司馬屍詞氣悚慨乃言其非懼死而逃於僧  
也然堡方遺書而留守門下士楊藝已冒死尋其屍

身首猶未殊與張司馬同瘞  
於北門書遂留藝所弗上  
桂林破乃遷蹟山中雜  
髮為僧改名今釋字澹歸晚歲築精舍於粵之丹霞  
所與游皆南中名流及仕宦之賢者歸禾年已七十  
餘終平湖陸氏園林堡善書每作字行墨必右向人  
問之則曰平生心蹟但悵望神京耳在丹霞其長子  
至今雜髮乃見有丹霞集百餘卷皆粵中作少年所  
為及諸章疏不復存化後命勿用茶毘法弟子弗能  
從識者以為恨

唐從悌字玉汝秀水人父昊早卒母姚年十九苦節

撫之以貢入京師崇禎庚辰特賜同進士出身先是  
朝廷用人惟徇資格上懲其弊特敕吏部將十三年  
就教舉人一百六十三名并試過貢生簡選一百名  
俱賜同進士出身即於六部都通大太常寺等衙門  
各司屬及推知正官通行挨補照例賜宴國子監勒  
石題名此數百年來特典也崇禎日鈔九年二月准  
安衛三科武舉陳啟新  
為直陳疾忠事一日以科目取人是病根今日作章  
句者動與堯舜合轍孔孟爭衡及見於政事任情好  
惡酷也而民吞聲貪也而髓盡吸亦何賴於科目取  
人哉一曰以資格取人是病根伏見國初以典史馮  
堅任僉都貢士彭友信為布政秀才曾泰授尚書何  
嘗以資格限之嘉靖初猶三途並用至今惟尚一途

而一途中又分界限無路寧多取以養舉人官止於舉  
於是任有有限寧貪求下之官皆其朋比之人橫行莫問  
皆憑其便上之物天下及其遷轉不曰俸久則曰資深  
取憑其便上之物天下及其遷轉不曰俸久則曰資深  
賢否不辨賄賂公行亦何取以資格用人哉一曰推  
知行取科道是病根舊選給事中御史以進士舉人  
教官等項除之及監生一體考選萬歷初猶令行取  
嘉靖中舉人歲貢又中一體考選萬歷初猶令行取  
推知以四分爲率進士三分舉貢一分考選今則惟  
進士考選矣彼受任時先以道自居謂異日能舉  
効人榮辱人及至地方守巡道府竟以科道待之設  
畏不暇又何敢拂其意乎故害民利民無所不至亦  
何取於以推知爲科道哉國家受此三病根黨羽  
日成羅網日密惟利是好非錢不行每見青衿子朝  
不謀夕一朝鄉薦便無窮人及登甲榜鐘鳴鼎食  
妾僕盈前膏腴遍野大廈凌空此物何爲來哉差乎  
財在下則不在上謂漢之財耗於匈奴唐之財耗乎

於藩鎮宋之財耗於納幣我大明之財耗於九邊非九邊也耗於諸縉紳也

從悌授翁源

知縣請旌其母而後之官縣在萬山中地瘠民頑至則勤於撫字縣有爭鬪輒食斷腸草而死又有嘿嘿教妖黨相煽為奸從悌悉禁之遷知桂陽州國破歸

孫敬叔

一作敬冲

崇德人太學生永樂中知修武縣俗尚

勁悍豪強兼并許訟不休敬叔崇教化敦禮讓勸農

桑積習為之一變

通志載名宦

以薦遷景州同知

陸萬鍾海鹽人起掾吏為兵部會同館大使孫顏貢使至以光祿供應薄至爭鬪萬鍾既力解之且令譯

者請讓使人事得已先祿欲自掩其罪駕言萬鍾實  
使之事聞臺省交章論劾萬鍾不辨卒有詔免議久  
之遷沅州吏目任滿乞歸沅人遮留之請於朝就遷  
本州同知又十餘年致仕歸年幾九十卒於家○同  
郡又有與萬鍾同姓名者見陸琳傳後

第三十卷

馬繼祖字紹先崇德人今土斷為桐鄉洪武癸酉舉  
人授巴縣教諭靖難後成祖正位應詔上封事稱旨  
即遷知巴縣後改全椒邑民詣闕乞留不獲在全椒  
新學舍修橋梁悉心撫字數年俗稱安阜遷睢州通



判以疾歸

全志有傳

子驥字尚德景泰癸酉舉人江油

教諭改繁昌訓導致仕

王紀字宗憲海鹽人鄉貢景泰壬申授徐州吏目州

當孔道酬應百出紀以智約束吏民雖劇役無不立

辨嘗奏鹽州之冗稅以艱歸眼闕赴補上言海鹽科

募民兵非便優詔聽免遂稱疾致仕家居十五年而

卒

兩浙名賢錄州民稱其居廡為南宅聞令自南宅

下者則心服力赴惟恐後聲譽出守令上時都御

史王竑巡撫南向方

首薦之會外艱歸

嘉禾徵獻錄卷三十八

縣

郡人盛楓丹山輯

男支焯校訂

沈章

夏祥鳳

岳彥高

朱孟德從子俊

陳序

觀子文奎

高第子泰

蔡新

僕阿小

楊霖祖嗣宗

呂愷

夏勛

湯滌

任泰

蘇弟芹

周紀

朱祚

同生

元弼父用中

張端

蕭玘

顧節

王儒

金榜

林相

沈子勉

王儒從子融元

先甲

吳郡妻陸

中台子夢白

李華春子太冲

郁秀一

六世孫哀 敗易從儒

應玄

孫朝宗 祖奎 父嵐

夏日葵 父雷

李在公

母趙

夏九鼎 從孫縉

朱有光

尤拔俊

沈大奎

沈萬鈞 父大奎

劉恒

婁光遠

陳鑑

金

曹孔榮

劉希夔

仲聞韶

胡振芳 父臯

秦弘忠

張瞻韓

孫詢

徐中

胡恒性

唐貞

尤夔

朱瑾

子陳

俞正觀

陳所蘊

父倫

沈榮

金慎

顧昂

沈章字叔昂嘉興人洪武初以部掾為南康知縣廉勤有為憫民病涉復建通濟橋區畫有方民爭趨之

南康府縣志各有傳

夏祥鳳嘉興人洪武中薦知邵武縣嘗曰廉為士之大節居官不廉大節虧矣雖有政事何足尚哉及代去囊橐蕭然

見福建通志

岳彥高號雪樵蒙古色目人洪武中用薦知雲陽縣入覲撒手出朝坐不敬當棄市太祖以色目故僅免其官因家魏塘鎮精草書得懷素法兼知丹砂服餌術所在多方外交

嘉興府新志方良海鹽人今土斷為平湖洪武初薦授太和令方旭亦海鹽人洪武中薦知長汀縣查舊志無二人名

朱孟德字維新本海鹽人洪武中戍寧夏衛家焉永

樂丁酉舉於鄉戊戌成進士授鄭府審理正改知興  
寧縣莅政精勤扶良鋤暴增學舍飭祠壇尤以禮導  
俗卒於官士民憾愴如喪所親見惠州志兄子俊字時  
彥亦以寧夏衛中天順壬午鄉試知扶溝縣

陳序字仲倫桐鄉人永樂庚子舉人授五河訓導遷  
教諭歷枝江龍陽章邱擢知無錫縣人稱靜學先生

觀字尚賓號桂月序子也弘治壬子舉人見聞雜紀陳先  
生觀弘治壬子中式時未有報捷者先生亦無家僮  
歸報越三日撒鹿鳴宴回有一大紅旗上書魁字時  
亦未聞有旗幟也迄今八十餘年授毫縣教諭縣陞  
一變而童生進學報者且接踵矣

為州例改學正乙卯充廣東同考戊午主山西鄉試  
秩滿告歸卒年七十三著亳州志子文奎號竹村諸  
生端方廉潔館於錢氏一日責其弟子曰睡起如何  
不理衾穿衣忙遽不提領父門人來浙為二司官意  
欲厚之召文奎問曰聞吾師坊牌傾圮修理需費幾  
何文奎開十金以復道逢大雨步不為亂見聞雜紀  
正以貢為蘄水令陳公觀以鄉科止官廣文張囊橐  
頗充陳終身清約頽然一小樓垂四十年張子之嗣  
且無卓錫土  
陳書香不絕

高第字士元嘉興人永樂間以貢知永福縣時民多



流亡第至悉心招撫給田開墾民復故業見福建志卒

於官于泰弘治辛酉中式應天鄉試嗜學安貧取予不苟弟疾廢撫之如子同居終身尤善書札

蔡新字日新崇德人永樂癸卯舉人以父為讐家既死新殺之自首繫獄者十三年宗黨莫為訴理其僕阿小徧詣所司告理不得申乃行乞至京漚血上狀得釋入太學授慈利知縣邑雜猺苗新以威信臨之苗遂歸化境有虎患禱於城隍神一夕虎遁去調繁臨淄有豪猾郭智張勝于翱者結黨撓政新寘諸法

吏民頌之

楊霖字時望嘉善人祖嗣宗洪武中以人才徵試工部主事霖自少丰姿嚴整以氣節自負聞四明楊守陳遂於易負笈從之游天順辛巳以歲貢入南雍明年壬午中式應天鄉試知玉田縣以才調寶坻抑強扶弱清白自守在官數年以事至京師卒於旅舍霖之從守陳游也俱未遇為諸生及卒而守陳已貴顯率羣弟子治其喪歸葬手為文祭之

呂愷海鹽人天順間以貢知寧國縣和易近民民懷

其德

見寧國志

夏勛字汝建嘉善人天順間以貢授懷柔縣改內邱有任和尚者多行不義良民苦之勛置於理劉麟兄弟八人植黨濟惡勛捕獲痛懲遂皆斂跡去官日百姓泣留歸優游林泉者三十年年八十卒

北直志有傳

湯滌字新之嘉善人天順己卯舉人成化丙戌進士知清豐縣性剛介薄軒冕憲使聞其能詩召試詩成疑其誚已滌曰此滌自輕其官也遂置印綬出士民留之不得有思菴稿

任泰字亨伯嘉善人苦學勵行嘗大書敬字於壁間  
夜起坐對務期不愧屋漏成化乙酉舉於鄉乙未成  
進士知上饒縣有宿儒婁諒者泰屈體事之為政知  
大體增置學舍親為講藝又立法清丈田畝以杜爭  
訟旱則教民盡力陂塘使得灌漑作浮梁增社倉有  
古循吏風滿六載召入卒於京師

兩浙名賢錄有傳

孫繁

繁字公職嘉靖壬辰以貢任萍鄉訓導陞新野王  
府教授壬午少繁以輔導自任侍王講論輒以前代  
賢王事條析陳之累荷優賜第芹字侯職亦以貢授

蕪湖訓導為人醇厚簡默言笑不苟

周紀字廷理嘉善人成化丙午應天舉人丁未進士  
知豐城縣縣多淫祀有富將軍祠惑人尤甚下車即  
命毀之

朱祚字天錫海鹽人成化丙午舉人母老乞祿知尤

溪縣調靖安卒於官

兩浙名賢錄稱其治尤  
溪靖安人皆目為愷悌

著拙齋

漫稿雲谷集祚文章根本六經門弟子顧正吳昂徐  
泰鄭儒泰皆知名家藏書數萬卷孫同生玄孫元弼

同生有書癖祚所藏書皆寶愛之中有杜預左氏

春秋繭紙鈔本為朱子手批皆朱書旁行作註解凡八冊好事者以重價購之同生不許乃詭為借鈔者乞一冊去屢索不還同生怒夜至其家縊於門外其人大懼救之甦遂還之

元弼字良叔父用中為人方嚴有儒者風元弼尤安貧力學事繼母竭力奉養及授室與其妻約曰倘言母短長當與君絕久之妻不能默微言之遂求絕妻惶遽謝罪自後不復更言母長短矣弟不善治生賣己宅代弟償逋而自寄友人居為諸生需次鄉貢

以年踰六十例不得入仕遂棄去垂老預知死日別

親友而卒著敬道會編禮記通註猶及編等書

經義考朱

氏元弼中庸通註一卷存學者稱為達隱先生

張端嘉善人成化間以鄉貢知建安縣興學撫民政教兼舉有中貴經縣恃勢索賄端力抗不與卒於官

見建寧府志

蕭玘平湖人弘治中知瀘溪縣持己潔清讞獄明決

不以催科妨撫字卒官士民涕泣覲辰州志

顧節嘉興人弘治中知翁源縣莅官清儉歲饑力請

賑給修城池興學校不事科斂邑之羊徑山險僻數盜節治為坦途民旅咸戴之觀廣東志

王儒字汝珍嘉興人正德丙子舉人知星子縣再補崇陽改順天府教授北地人文荒陋儒加意造就一時弟子如嚴鑑李彥揚君璽等俱成進士鑑居塞外從學旁教之後鑑知嘉興府未嘗干以片牘終興山知縣嘉靖間又有與之同姓名者

金榜字文華號雨洲秀水人嘉靖壬午舉人入太學游甘泉陽明之門知寧都縣歲大旱疫虎白晝食人



榜齋而禱於境內諸山雨澍病者起虎亦遷去邑有  
隱糧榜欲清其額下令丈田豪家不便尼之丁酉鄉  
試充同考官竣事調知連城連城與寧都接壤田里  
糾錯亦如之榜欲遂成前事有不聽重懲以法奸民  
譁然憤而乞歸遂不復出後十年有梁以衡者來知  
連城取榜所議田役者讀之曰不如此不足以定兩  
邑之賦乃力行之民為樹金梁德政碑

林相平湖人嘉靖壬午舉人廉靜絕俗不輕然諾由  
教諭遷知靖江縣務以德化民居家儉素談理學至

老不輟支大綸方之吳昂陸垵

沈子勉桐鄉人嘉靖壬子舉人隆慶間知青陽縣性  
儉約嘗數日不肉食出門減騶從節冗費邑好訟既  
剖決曲直復再三訓諭必使悔改而止時協濟大通  
李陽河二驛不勝煩子勉請增本邑夫廩而罷二驛  
協濟甚為民便以憂歸民立祠祀之覲池州志

王儒字修卿號養怡嘉興人性豪邁善屬文諸生時  
才名籍甚嘉靖乙卯舉於鄉己未成進士知杞縣辛  
酉充本省同考拔呂坤後為名臣被劾歸先是宣德

中分嘉興縣地更立秀水嘉善三縣田土犬牙相入  
有田屬善邑而糧在嘉秀者有糧屬善邑而田隸嘉  
秀者善民駕言實田虧而糧額浮於二邑欲更割二  
邑田益之其說始於善紳袁黃至丁賓為南工部尚  
書善民遂詣闕陳狀事下督撫勘議嘉秀二邑慷慨  
請丈而善民不欲有司昏欲桂冠去儒為七辨以折  
之會同邑岳元聲亦主此議詳著圖說以駁正之事  
格不行儒家世無仕宦崛起農家以文章顯人為之  
語曰王儒孫詔葉朝陽蓋以其皆出寒門也詔朝陽

別見儒從子體元萬曆己酉順天中式都察院都事  
先甲字直臣儒子也崇禎己卯舉人庚辰進士知  
建寧縣壬午充同考官考察補涇縣遷都水主事未  
赴國破先甲一號子長而形短人謂子長不長云

吳郡字公治崇德人年十九嘉靖辛酉舉本省鄉試

乞恩睢州學正睢州志稱其才幹恢宏課士甚勤遷知大竹縣充本

省同考調簡榮昌歸年五十感夢預治櫬具構一軒  
題曰醉夢閉戶不關人事十年而卒妻陸有知人之  
鑒浙江巡撫喻思恂榮昌人也方垂髫以試事謁郡

陸從屏間窺之謂郡曰此非凡士他日必致公輔因館之衙齋親為櫛沐恩意有加及思恂撫浙郡夫婦皆前卒乃祭其墓洒淚而去子中台

中台字稚文萬曆壬子舉人乞恩龍游教諭時泮宮頽廢三十年無得雋者中台傾貲重建之天啟辛酉諸生余日新呂之節皆中式甲戌日新登進士後遂接踵不絕遷知建平縣俗好訟中台按其最黠者捕治之遂大衰息有鳳凰臺紀事一冊邑人所撰也以勞卒於官子夢白字可黃崇禎丙子舉人癸未進

士知吳縣國破走閩唐藩建號改知閩縣丙戌充同  
考閩破歸

李華春字仲實其先溫陵人入籍崇德嘉靖辛酉舉  
人隆慶辛未進士知安仁縣有鳥晝夜鳴衙齋山樹  
蹤蹟之得二屍於水中乃窮按得謀死狀寘法獄竟  
鳥鳴亦絕人以此稱神調知南城卒於官年四十一  
子太冲字英勝鄉貢天啟辛酉廷試第一文章書法  
為一邑冠

郁秀一字子英嘉興人今土斷為嘉善秀一為郡學

諸生洪武中杭嘉二郡苦機戶採辦累民秀一叩閤  
上書言其不便上特允之為罷織造秀一六世孫袞  
字九章改名天民著述甚富袞子敦易孫從儒皆知  
名袞從子應玄

應玄字槐泉少從袞學嘉靖甲子舉於鄉知黟縣  
邑素健訟每溫諭消弭之十減其五民無追呼而課  
自最

孫朝宗字天會號賓江嘉善人祖奎字山隱卒年九  
十三父嵐字汝瞻好施與年百歲建坊朝宗隆慶丁

卯舉人知順昌縣改荊州府教授

兩浙名賢錄稱其

母鍾曲盡其誠知順昌嚴毅平恕歲大侵悉心以賑境內竹忽結實如米取以雜糜飢者不齋而飲

馮煦字暘谷平湖人精醫邑令顧廷對雅重之後顧為御史患蠱疾諸醫莫措顧曰必馮生至吾無憂耳迎之比至不數劑而瘳隆慶中以鄉貢授羅山知縣置藥廚於公署以療病者全活甚衆

夏日葵秀水人父雷敦倫尚義有叔璧客姑蘇三十年垂橐歸病不起為治殯殮畢知吳中有負其資者索歸畀其叔母張氏無隱故人樂松為怨家所構捐



數百緡脫其厄日葵萬曆改元癸酉舉人知句容縣  
陸階字允升號吉菴桐鄉人萬曆丙子舉人為羅山  
教諭遷知石埭清苦自甘歲旱虔禱日中雨立沛又  
革里甲供億以暴疾卒官士民肖像祀之府志階  
無子公舉祠於鄉

李在公字古理號養白平湖人少貧父令廢學母趙  
名家女勸其卒業萬曆戊子舉於鄉壬辰成進士知  
同安縣忤同知某巡撫許孚遠右在公而劾同知貪  
穢巡按御史與許有郤亦劾在公凌傲朝議雖不直

御史猶聽勘事白補東鄉艾南英歷試卷自序子年十有七以童子試受知於

平湖李養白先生

丁父憂再補旌德罷歸

憂九鼎字玉鉉號璞齋嘉善人受業顧憲成中萬曆辛卯舉人至都即就鄖撫李材於獄聽講壬辰成進士上疏鳴其冤復爭三王並封皆不報授浮梁知縣以艱歸補新喻調繁安福改衢州府學教授卒於途從孫繕天啟甲子舉人

朱有光字用韜宗德人與同邑陸典並游李材許字遠之門日研性命之理萬曆甲午中本省鄉試知監

利縣革陋規清隱佔強項不阿中蜚語歸年七十八

卒

見分省人物考

尤拔俊崇德人寄籍貴州中萬曆甲午舉人知安仁縣邑當水陸之衝民苦於役拔俊下車首為甦之以撫字為本庭解敷朴民懷其德卒無抗頑向少科目乃拓城於泮宮之南開一門顏曰雲錦以延山川之秀是歲邑中周士駿徐杲皆中鄉試入覲過湖口縣見榷稅厲民至京即抗疏乞罷之事雖不行一時傳以為快

江西通志有傳

沈萬鈞字仲容嘉善人父大奎字子聚以鄉貢為寧波府學訓導遷益王府教授萬鈞萬曆丁酉舉人知香河縣著詩經類考經義考沈氏萬鈞詩經類考三十一卷存沈思孝曰武塘沈仲容仿王伯厚詩考旁引博稽別類相附凡考之類三十而卷亦同焉誠詩家巨觀也

劉恒嘉善人選貢萬曆中知衡山縣精心賦役在事六年以邑田多隱佔詭寄請於上官更清丈之豪右不便卒莫能阻田賦遂均往時衡屬惟耒陽衡山並以逋賦累邑令而衡處水陸之衝誑誤者尤衆自恒受事後貧弱無偏重之患輸將遠勝於耒陽矣

婁光遠字孟含嘉興人萬曆庚子舉人為烏程教諭

倡社較藝一時中式者同榜十八人充貴州鄉試同

考選知清流縣調簡歸焯按婁氏俱寄籍貴州晉定衛其先有婁慶者成化戊子

舉人慶子容成化庚子舉人知興國州又有繡與容

同榜婁九德萬曆癸卯舉人丁未進士都水主事歷

營繕員外郎萊州知府終布政使弟九成萬曆丙子

舉人又婁拱中萬曆甲午婁大韶中萬曆丁酉婁俱

中天啟辛酉終工部司務婁鏞天啟甲子湖廣中式

一云天啟丁卯貴州中式婁芳入籍會稽中景泰庚

午鄉試天順庚辰進士

惜事行輩行俱無所考

陳鑑字用明號勾溪海鹽人初為制舉業旋棄去擊

劍馳馬以任俠自負年三十始閉戶讀書人罕見其

面數年遂工詩與同邑朱朴齊名徐咸兄弟鍾梁許  
相卿輩邀為詩社長以壽終有句溪集弟金

金字用礪少有詩名入貲為國子生授永平衛經  
歷遷知博野縣以竹奴詩見稱於時

曹孔榮字明寰平湖人選貢萬曆中知天長縣銳意  
除惡奸豪屏蹟尤嫻文學士類樂親之調雉澤見天長志

劉希夔字虞章平湖人萬曆中以貢知連江縣調繁  
齊東地荒瘠多流亡招輯之給牛種勸耕治行頗著  
仲聞韶字聖享秀水人天啟辛酉舉人知六合縣慈

祥愷悌饒有惠聲

見六合志

胡振芳字來子嘉興人父阜隆慶庚午舉人振芳天啟丁卯舉人乞恩慈谿教諭遷知嶧縣嶧處僻隅向無郵傳寇震中原所在蹂躪往來者遂取道於嶧津遣不給以誤餉謫漢陽府經歷時呂瘦子柯允谷叛呂就戮而允谷逃竄振芳捕得之壬午以薦量移蘄水流寇陷黃梅蘄州邑距寇不百里振芳早夜為防禦計及賊至不能支縋城走黃州黃破赴省賊又破武昌水陸梗塞遂陷賊中刃傷其肩氣絕復甦有

故隸挾以趨山中遇門下生邀至家調護之國破扶疾歸年九十餘卒無子

秦弘忠字恕先平湖人崇禎初由教諭遷知通道縣縣近苗獠每偵富室冢墓所在發棺竊其首去索重貲以贖弘忠禁人無贖苗計阻患遂絕山僻士貧隣邑多以賄窟藉土著得雋者稀弘忠在事人不敢干以私此弊亦絕苗稅十年一徵邑令恐其頑梗常統兵往弘忠以僕自隨開誠勸輸旬日而畢乞歸尋卒於靖州道上



張瞻韓海鹽人崇禎末知普寧縣廉正得民以失上官意中吏議罷邑民咸為流涕後從桂藩授官歿於

陣

見廣東通志

孫詢字廷言號東溪嘉善人從里儒徐中學受尚書善屬文能詩洪武末鄉貢宣德分縣為三始建嘉善縣學推攝教事為訓導言應賢良詔授廣西布政司檢校遷分宜丞歸與邑人李懷玉為耆英會櫻年齒相若能文章嫻禮讓者十三人每月朔為設牢醴子弟侍立行爵歌詩稱盛事云

曹廷棟魏塘紀勝魏塘街東北有東作莊明孫

詢所禁詢嘗與其友江孔殷撫邑中山水人  
物類為七言律詩八十八首名武塘勝覽  
○徐中

者字伯庸洪武末以明經授鄱陽河泊所大使質直  
端方言行可法歸田教授終其身

胡恒性海鹽人洪武中以文學徵授醴陵丞廳事前  
仿唐崔斯立植松數十株無事偃息其下顏曰哦松  
自為之記秩滿去官醴人思之立祠祀焉長沙府志

唐貞字士幹本貴陽人元末游吳越樂澉浦山水家  
焉從楊維禎學詩有名洪武初以鄉貢為東莞丞未  
幾挂冠歸與澉浦韓履祥倡和有集一卷今不存貞

之貢以二十五歲生員選入國學是年同舉者四人  
張信工部主事姜良河南布政司理問所提控案牘  
鍾德馬平縣丞

尤夔字堯卿嘉善人洪武中舉孝廉永樂初授睢陽  
丞攝縣事時蝗蟲為災傍邑以其縱入也移文讓之  
夔反牘曰蝗蝻非家畜敝邑豈能縱之苟有德政召  
和弭災蝗將遠去夔苟不德蝗亦復至敢讓隣耶傍

邑媿服

見兩浙  
名賢錄

朱瑾字孟瑜海鹽人成化間為莆田丞恭勤輔令覈

災傷清驛傳嘗攝縣事恤民潔獄有平海蒲禧二軍  
儲每益出納大孟注水投米以浮沉決去取貴豪造  
巨舶通島夷為奸利臺檄瑾往按竟毀之未幾致仕

子暕汀州訓導

見兩浙名賢錄

俞正觀字用光嘉興人隆慶間以椽為惠安丞廉介  
自持清戒彌盜弊蠹一清遷王官垂橐歸民樹碑誌  
之見惠安志

陳所蘊字道行嘉興人父倫以貲雄里中內閣嚴嵩  
未第時旅行遇盜於郡倫為具資裝送歸所蘊因是

得出入嵩邱中嵩敗為詔安主簿邑隸胡瓚晝供事  
吏庭夜則縱騎行劫郊外所蘊知之窮訊得餘盜數  
十人境以帖然邑濱海有漁者數人出外洋猝遇島  
彝游軍勒令為其下未幾以計殺其酋詣況守千戶  
葉某乞賞葉欲并殺漁者上首功所蘊爭之得放還  
其三則閩人其三則浙之温州人也又計撫饒平浦  
寇胡平等署長泰縣事中計罷歸平湖曹敏學萬厯  
間為淳梁主簿有  
聲見淳  
梁志

沈榮嘉興人嘉靖中由吏員為和平主簿從事公平

百姓愛戴推誠撫諭岑民順服

平見和志

金慎字子肅嘉興人洪武初以貢官典史能詩

靜志居詩

話栢林今之新城鎮也去府治三十里而近城本作

陸曾魯公曾監秀州新陸酒稅金尉栢林一詩格調

雖卑然徵官能詩足以見當時文教之盛

顧昂字文顯海鹽人成化中以掾吏為新泰典史家  
澈浦鎮數上疏言澈浦事請濬城東南地為河載土  
築黃家畹塘捍海而豁澈所城也軍營公佔田地稅  
糧且以城壕空地海上漲沙為牧馬場毋令鎮軍縱  
牧踐壞民田并免所軍運艘減馬軍舊額百匹為六

十匹皆報可激人利賴之